

癲狂癇門

顫振

瘕癥

瘕症門

不得臥
附多臥

煩躁

健忘

赤水玄珠第十四卷

新安生生子孫一奎著輯

癲狂癰門

此三證大旨已於醫旨緒餘中詳言之矣當參看

生生子曰靈樞云癲癰瘕癰不知所苦兩蹻之下男陽女

陰

後人以癲癰爲一門者迹此也

又曰暴攣癰眩足不任身取天柱

後人

言風癰者迹此也

明癲症

書云多喜爲癲多怒爲狂難經謂重陰者癲重陽者狂

素問厥論篇曰陽明之厥則癲疾欲走呼腹滿不得臥面

赤而熱妄見而妄言長刺節論篇曰病之初也歲一發

不治月一發不治月四五發名曰癲病又通評虛實論

篇曰癲疾厥狂久逆之所生也脈搏大滑久自己小堅急死不治虛可治實則死

靈樞癲狂篇曰癲疾始生先不樂頭重病視舉目赤甚則極已而煩心啼呼喘悸先反僵因而脊痛又有骨癲筋癲脈癲嘔多沃沫氣下泄者不治又曰癲疾者疾發如狂者死不治

據此言如發癲狂者死不治可見癲狂非一病也

素問奇病論篇黃帝曰人生而有病癲疾者病名何安所得之岐伯曰病名爲胎病此得之在母腹中時其母有所大驚氣上而不下精氣并居故令子發爲癲疾

啟玄子註

曰癲謂上巔卽頭首也

綱目曰以其病在頭巔故曰巔疾治之者或吐痰而就高

越之或鎮墜痰而從高抑之或內消其痰邪使氣不逆
或隨風寒暑濕之法用輕劑發散上焦或針灸頭中脈
絡而導其氣皆可使頭顛脈道流通孔竅開發而不致
昏眩也是知癰癩之癰與厥成癰疾眩冒癰疾之癰一
疾也王註悞分癰爲二疾獨孫真人始能一之今特冠
此氣亂頭癰等經文於癰癩篇首使人知疾有所歸而
治有所據也

玉機微義曰按內經言癰而不言癩古方以癰癩或併言
或言風癰或言風癰或言癰狂所指不一蓋癰病歸于
五臟癰病屬之於心故今以風癰另立一門而癰狂合
爲一門也

生生子曰按此以風癲另立一門明其不與癲狂相類則是之矣而云癲狂合爲一門今終集考之並無癲狂門目豈未之補歟

孫兆治相國寺僧充忽患癲疾半年名醫皆不効召孫療之孫曰但有醎物儘與食之但待云渴可來取藥今夜睡着明日便愈也至夜僧果渴孫乃與酒一角調藥一服與之有頃再索酒與之半角其僧遂睡兩晝夜乃覺人事如故僧謝之問其治法曰衆人能安神矣而不能使神昏得睡此乃靈苑方中硃砂酸棗仁乳香散也人不能用耳

辰砂散 治風痰諸癲狂言妄走精神恍惚思慮迷亂

歌乍哭飲食失常疾發仆地吐沫戴目魂魄不守醫藥
無驗

辰砂

光明有墻
壁者一兩

酸棗仁

微炒
半兩

乳香

半兩

各爲末右量患人能飲酒幾何先令恣飲但勿令吐
至靜室中以前藥都作一帖溫酒調下作一盞調之
令頓飲如飲酒素少者但隨量取醉服藥訖便安置
床枕令臥病淺者半日至一日病深者二三日令家
人伺之鼻息勻調但勿喚覺亦不可驚觸使覺須待
其自醒則神魄定矣萬一驚寤不可復治正蕭吳公
少時心病服此一劑五日方寤遂瘥

經云悲哀動中則傷魂魂傷則狂妄不精不精則不

正此悲哀傷魂而狂當用溫藥補魂之陽仲景方以地黃湯本事驚氣丸之類卽是也

經云喜樂無極則傷魄魄傷則狂狂者意不存人此喜樂傷魄而狂當用涼藥補魄之陰辰砂鬱金白礬之類是也

濟世方 治失心

鬱金七兩須四川蟬肚者乃真 明礬三兩

爲末薄糊爲丸桐子大每六十丸湯水任下昔有婦人癲狂數年不愈後遇至人授此方初服覺心胸中有物脫去神氣洒然再服頓甦至人云此病憂驚得之痰裏心竅此藥能去鬱痰

明狂症

靈樞癲狂篇曰狂之始生也先自悲也喜忘善怒善恐得之憂飢及狂之發少臥不飢自高賢也自辨智也自貴倨也善罵詈日夜不休狂言驚善笑好歌樂妄行不休者得之大恐目妄見耳妄聞善呼多食善見鬼神善笑而不發于外者得之有所大喜

林億公曰狂爲痰火盛實癲爲心血不足狂病宜大吐下生生子曰據此言心血不足者乃醫治攻尅太過以致中氣餒弱而神志不定非癲病一起初便有此不足症也丹溪曰神不守舍狂言妄作經年不愈如心經蓄熱當清心除熱如痰逆心竅當去痰寧心大率多因痰結於心

胸間治當鎮心神開痰結亦有中邪而成此疾者大槩是熱又曰狂病宜大吐下則除之

素問云陽厥強怒飲以鉄落

狂怒出于肝肝屬木鉄落金也

次果効考本草能治鬼打鬼注安心神治驚邪主癲癇鎮心熱狂走除胸膈中熱氣痰涎

病能篇帝曰有病狂怒者此病安生岐伯曰生于陽也帝曰陽何以使人狂岐伯曰陽氣者因暴折而難決故善怒也病名曰陽厥曰何以知之曰陽明者常動巨陽少陽不動不動而動大疾此其候也曰治之奈何曰奪其食卽已夫食入於陰長氣于陽故奪其食卽已使之服以生鉄落爲飲生鉄落者下氣疾也

夫狂之爲病少臥少臥則衛獨行陽不行陰故陽盛陰虛

令昏其神得睡則衛得入於陰而陰得衛填則不虛陽
無衛助不盛故陰陽均平而愈矣

王海藏治許氏病陽厥狂怒罵詈親疎或哭或歌六脈舉
按無力身表如冰石發則叫呼聲高內經云奪其食卽
已因不與之食乃以大承氣湯下之得臟腑積穢數升
狂稍寔數日復發下如此五七次行大便數斗疾瘥身
溫脈生良愈此內經奪食法也

保命當歸承氣湯

當歸

大黃

各一兩

芒硝

七錢

甘草

五錢

右每二兩水一大碗羌五片棗十枚煎至一半溫服
若陽狂奔走罵詈不知親疎此陽有餘陰不足大黃

亦水玄珠 十四卷 五
芒硝去胃中實熱當歸補血益陰甘草緩中加羌秦
者胃屬土此引入胃也經所謂微者逆之甚者從之
此之謂也以大利爲度微緩以瓜蒂散入防風末藜
蘆末吐之其病立安後用調心散洗心散涼膈散解
毒湯等調之安

明癰症

生生子曰癰痰火所致前人有稱爲風癰者劉河間謂由
熱甚而風燥爲其兼化涎溢胸膈而痰癰昏冒僵仆也
東垣曰病癰者涎沫出于口冷汗出于身清涕出于鼻皆
陽蹻陰蹻督衝四脈之邪上行腎不任煎熬沸騰上行
爲之也此奇邪爲病不係五行陰陽十二經所拘當從

督衝二蹻四穴奇邪之法治之

癰症亦從衝任督三脈氣逆而發者當尋此三脈治之。

督脈尋長強掖骨間灸之。任脈尋氣海陰交衝脈附足少陰脈上行去中行各五分陰交穴乃任脈陰衝之會

潔古曰晝發灸陽蹻夜發灸陰蹻各二七壯陽蹻起於跟中循外踝上行入風池申脈穴也陰蹻亦起于跟中循內踝上行至咽喉交貫衝脈照海穴也

劉宗厚曰癰與瘰畧相類而實不同其病發身軟時醒者謂之癰身強直反張如弓不時醒者謂之瘰癰病隨其痰之潮作故有時而醒瘰病比癰爲甚而有挾虛者故

因其昏冒而遂致亡者多矣

綱目曰癲癇卽頭眩痰溢膈間則眩微不仆痰溢膈上則眩甚仆倒于地而不知人名之曰癲癇徐嗣伯云大人曰癲小兒曰癇其實一疾也然與中風中寒中暑尸厥等仆倒不同凡癲癇仆時口中作聲將省時吐涎沫省後又復發時作時止而不休息中風中寒中暑尸厥之類則仆時無聲省時無涎沫後不復發間有發者亦非如癲癇常發狀也

千金方云病先身熱掣瘲驚啼叫喚而後發癲脈浮者爲陽癲病在六腑外在肌膚猶易治也病先身冷不驚掣不啼呼而病發時脈沉者爲陰癲病在五臟內在骨髓

爲難治也劉宗厚謂此論癰之陰陽後世有認爲寒熱者悞也蓋此疾皆以痰熱所作而得在表而淺爲陽故云易治入裏而深爲陰故曰難治乃表裏淺深之謂非寒熱之謂也

張子和曰夫癰病不至目瞪口呆如愚者用三聖散投之更用火盆于煖室中令汗吐下三法並行次服通聖散百餘日則愈矣至于目瞪口呆者不可治內經曰神不守謂神亂也大凡此疾乃肝經有熱吐後可服瀉青丸下之劉宗厚謂多由風痰膠固胸膈上下故大法先宜吐之吐後可用清熱之藥如東垣安神丸守真龍會丸之類皆可服不獨通聖散也痰實在裏不解宜導痰清熱亦不

獨瀉青丸也

劉宗厚曰按癇病古方或云風或云驚癇或云癲癇由此疾與中風癲狂急慢驚相類故命名不同也原其所由或在母腹中受驚或因聞大驚而得蓋小兒神氣尙弱驚則神不守舍舍空則痰涎歸之或飲食失節脾胃有傷積爲痰飲以致痰迷心竅而作者治法必當尋火尋痰而論前人多用鎮墜清心之藥固可以治熱可以清痰若有頑痰膠固者此藥未易驅逐在上者必先用吐吐後方宜服此更有痰實在裏者亦須下之隨病輕重而用也或曰癇有陰陽何也予曰此與急慢驚者可同論也陽癇不因吐下由其有痰有熱客于心胸之間因

聞大驚而作若盛熱雖不聞驚亦自作也宜用寒藥以
攻治之陰癰亦本于痰熱所作醫以寒涼攻下太過損
傷脾胃變而成陰宜用溫平補胃燥痰之藥治之若曰
不因壞症而有陰陽之分則是指痰熱所客表裏臟腑
淺深而言癰病豈本自有陰寒者哉

丹溪曰癰屬驚與痰不必分五等大率行痰爲主黃芩黃
連瓜蒌半夏南星隨痰火多少治之無有不愈 有熱
以涼藥清其心 此症必用吐吐後用平肝之藥青代
柴胡川芎之類

素問大奇論篇云心脈滿大癰瘕筋攣肝脈小急癰瘕筋
攣

凡灸癰必須先下之乃可灸不然則氣不通能殺人針則不拘 鳩尾穴必高手乃可下針但宜灸亦不可多壯壯多則令人健忘

心癰面赤心下熱短氣喘息灸巨缺三壯

肝癰面青反視手足搖動灸丘墟三壯

脾癰面黃腹大善利胃腕并腕傍一寸各三壯衝陽隱白肺癰面白口吐沫灸肺俞少商少陽各三壯

腎癰面黑正直視身不搖如尸厥金戶少海至陰湧泉各

三壯刺一分

治癰之劑

始治多用攻痰法繼以養心壯神補劑收功

礬丹丸

治五癰五癰無拘陰陽冷熱